

Forbøn 4 (2021)

ML | Lat oss be for kyrkja og verda.

Vår Far i himmelen:

Takk for at du skapte oss og jorda vi bur på.

Takk for at du kjenner og elsker oss alle.

Hjelp oss til å ta vare på kvarandre og på alt du har skapt.

Vi bed for:

Vi bed for _____

som vart døypte i dag,

for foreldra, fadrane og andre som står dei nær.

Gud, vi bed.

A | Kyrkjelydssvar

ML | Kjære Jesus.

Du kom til jorda vår og vart menneske som oss.

Du fann vener du kunne gleda deg saman med og gråta hos.

Takk for evna vår til venskap.

Lat alle menneske finna nokon dei kan stola på.

Du har vist oss at kvart einaste menneske er viktig og verdifullt.

Ver hos alle som lid.

Lær oss å kjempa mot undertrykking og urett.

Vi bed for:

Gud, vi bed.

A | Kyrkjelydssvar

ML | Gode Heilage Ande:

Du har kalla oss til å vera di kyrkje.

Kom til oss med dine gåver,

så vi kan vera lys og salt i verda.

Vis oss vegen vi skal gå.

og gjev oss vilje og kraft til å gå han.

Vi bed for:

Gud, vi bed.

A | Kyrkjelydssvar

(Eventuelt kan det følgja stille bøn innleidd med desse orda):

ML | Stilt vil vi no leggja fram for deg det kvar av oss har på hjartet.
(Stille bøn)

ML | Gud, vi bed.

A | Kyrkjelydssvar

(Dersom det har vore gravferd sidan sist vi var samla):

ML | Vi reiser oss og minnest dei i kyrkjelyden vår som det er halde gravferd for sidan sist vi var samla.

Ein les opp namna på dei døde. Kort stille stund.

Anten

ML | Lær oss å telja våre dagar, så vi kan få visdom i hjartet.

eller

ML | Jesus seier: «Eg er oppstoda og livet.

Den som trur på meg, skal leva om han så døyr.»

eller

ML | No er livet gøymt hos Gud. Vi overgjev alt til han. Håpet er tent i liv og død. Ingen er gløymd av Gud.

Miskunsame Gud, trøyst dei sørgjande og ver dei nær i tida som kjem.

A | Kyrkjelydssvar